



Page: 15

Reach: 50000

Country: BOSNIA AND HERZEGOVINA

Size: 132 cm2

1 / 1

Akcija SIPA-e kodnog naziva "Adria" u Sarajevu

## Uhapšen Libanac s Interpolove potjernice

Sud Bosne i Hercegovine jučer je 31-godišnjem bjeguncu Bilalu Čahruru (Chahrour) libanskog porijekla odredio pritvor u trajanju od 18 dana, odnosno do 16. novembra ove godine ili do nove odluke Suda.

Njega su preksinoć na području Sarajeva u akciji kodnog naziva "Adria" po međunarodnoj potjernici uhapsili pripadnici Državne agencije za istrage i zaštitu (SIPA).

Dežurnom sudiji za prethodni postupak Suda BiH predat je u 23.30 sati na dalj-

nje postupanje radi ekstradicije, gdje mu je pritvor i određen.

Čahrura potražuje nadležni lokalni sud u Dortmundu (Njemačka) zbog sumnje da je počinio krivično djelo teško razbojništvo, a za koje je, prema krivičnom zakonu Njemačke, zapriječena maksimalna kazna zatvora u trajanju od 15 godina.

Za 31-godišnjim pljačkašem nadležni organi Njemačke raspisali su putem Interpola međunarodnu potjernicu radi hapšenja

i izručenja u Njemačku zbog sumnje da je počinio više teških krivičnih djela, među kojima su i razbojništva uz upotrebu vatrenog oružja.

On je u januaru 2011. godine pobjegao iz zatvora u Bohumu u Njemačkoj, gdje je izdržavao kaznu zatvora zbog pljačke prodavnice u Dortmundu.

Imao je svega 26 godina kada je opljačkao radnicu i oteo joj pazar. Skočio je s tornja zatvora s visine od šest metara na niži krov, a potom na ulici. Sumnjalo se da je pobjegao u Liban te da je

imao pomagače.

*Dž. Bl.*



**Čahrur: Određen mu pritvor**